


范縣鄉土志

范縣北城圖



范縣鄉土志

歷史

本境建置年代

范縣之名始於西漢廢於北齊復於隋自西漢至元幅員稍廓明
洪武間漸狹如今制
未置本境以前

高陽氏

顓頊故墟 通鑑顓頊都帝邱漢書地理志濮陽古帝邱顓頊墟

范隸焉

唐虞

兗州之域 地理今釋兗州今山東之東昌府及兗州府曹州陽
穀壽張鄆城三縣濟南青州二府西北境直隸大名府及真定

范縣鄉土志

河間二府東南境河南之衛輝府胙城是范居兗之腹也

夏商

顧國 陸終第五子都於此已姓高陽氏之後城南三十里有顧
城遺址

周

衛 詩傳武王克商分朝歌地東為衛大抵今滑濮等州皇輿表
濮州今東昌府濮州

秦亭 魯莊公十三年築臺於秦杜注東平范縣西北有秦亭傳
說今在山東東昌府范縣南三里案杜注指舊治言

廩邱 左傳齊烏餘以廩邱奔晉杜注東郡廩邱故城今在東昌
范縣東南七十里

戰國

衛都 後併於齊

秦

東平郡 始皇帝滅六國置郡

既置本境以後

漢

范縣 屬東郡東漢因之

三國

范縣 屬魏

北齊

縣廢

隋

范縣 開皇十六年復置屬濟北郡

范縣鄉土志

唐

范州 武德二年置五年州廢以縣屬濟州貞觀八年改屬濮州

宋

范縣 屬濮州

金

范縣 屬濮州

元

范縣 屬東平路至元二年改屬濮州

明

范縣 屬濮州隸東昌

國朝

范縣 雍正八年屬濮州直隸州十三年隨州改屬曹州府

政績錄

政績不外興利除害聽訟顧三者有獨見有兼見有全見依年序錄

興利

除害

聽訟

周

康叔 名封周武王弟封於衛政績見書康誥諸篇

漢

劉雄 涿郡人昭烈帝祖也舉孝廉為范令

荀彧 為曹操鎮東司馬使守鄆城張邈叛以范迎呂布彧令

程昱說斬允固守卒全范及鄆東阿三城

程昱 承荀彧命說斬允曰君必固范我守東阿則田單之功

范縣鄉土志

三

可立孰與違忠從惡而母子俱亡乎允流涕從之昱遣別騎絕

滄亭津陳宮至不得渡

斬允 呂布使汎疑取范執允父母妻子以招允允不為動殺

疑勒兵固守卒全范

晉

劉演 從父琨為魏郡太守將討石勒以演領勇士三千人鎮廩丘

斬王桑走趙固得衆七千人又敗石勒於城下元帝推督都後將軍

後趙

石宏 有孝行通經術輔南陽王守廩丘

唐

李倫 為范令嚴辨有聲吏豪畏之

宋

閻邛公 逸其名熙寧中任禱雨黑龍潭有應見碑記
謝茂迪 宣和三年為范令寬猛適宜盜不入境修鎮店驛有碑
記

金

孫公 大定間為范令廉潔自持政平訟理

元

孟之普 鄒縣人亞聖五十三代孫至順二年為范令能以道自
愛及謝官遂家焉范之孟氏皆公後也

莫士榮 至正間為范令作興士類勸課農桑深得政體

明

張允 洪武十二年任明年河決城壞允度地徙今治官署學
校皆所創立見各碑記

范縣鄉土志

四

薛景文 縣丞洪武十八年任撫民以仁處事以公所食糲飯菜

羹而已去之日百姓啼泣不忍舍祀名宦

薛鎰 龍門鄉貢進士宏治己未任修學校築城垣鋤強暴恤

鰥寡激揚士子簡閱壯快以政最陞州范民建生祠以張公子

岸賈公四知配名三公祠

牛孜 歲饑請粟賑貸民無轉徙

張德立 舉人有牧民禦眾才正德辛未羣盜攻城督眾捍禦賊

遂撤圍去

楊文進 剛斷有為鄰邑有豪右厲民者訴於范受而理之不少

貸東郡稱良令

張于岸 舉人嘉靖二十五年任政務大體恩威兼濟墜修廢舉

文章豪邁尤善詩章入三公祠

張淳 舉人溫厚老成作興士類慈愛小民

賈四知 貢士萬曆七年任主角不露涇渭自明祀三公祠

薛之屏 選貢萬曆庚戌任均賦役修學宮課士子勸鄉塾修邑

乘表節烈蠲賑救荒歷任數年化行俗美舊縣志稱六十年間

不乏循吏而公可稱第一有生祠祀名宦

李楠 典史直搗賊穴手擒巨寇

郭萬光 典史崇禎十五年任率眾平賊著有功績陞滕縣主簿

吳光寅 保舉崇禎十三年任廉明剛直以錢糧被黜稽留不得

去士牛之變城陷遇害范人惜之

蔣得俊 舉人壬午年任城破以身死之

高其讓 貢士崇禎十六年任闖賊陷東昌迫脅取印抗節不屈

國朝

范縣鄉土志

高輔辰 進士順治二年任玉潔冰清蒞任五閱月盜戢民安未

幾託疾引去

趙耀奎 貢士順治三年任寇盜充斥孤城危如累卵密請孔總

鎮勦滅賊渠李梆子等一時賴以粗安陞湖廣襄陽府通判

孫養廉 順治五年任六年土賊破城闔家殉難

黃標 恩貢順治七年任開斬荆棘勸撫殘寇請兵設防招民

墾地撫字十載艱苦備歷詳泣范自敘善政見去思碑記崇陞

河南開封府知府

施端教 貢士順治十七年任善著作精書翰蒞任十年荒蕪闢

戶口增草昧之餘漸興文教陞東城兵馬司正

霍之培 進士康熙十一年任嚴律令滌煩文均里甲清詭計捐

貲建城纂邑乘修學校勤聽訟輕徭役歷任三年以中書內擢

士民攀轅泣送者以萬計

劉維祺 進士康熙十四年任和平靄吉文風丕振泣任六年保民如赤陞莒州

黃秉中 恩蔭康熙二十年任重農桑興學校聽斷廉明崇獎節孝建立義倉蠹役不敢為奸盜賊不敢入境報最陞黔西州百姓卧轍泣送百餘里為建生祠累官浙江巡撫祠名宦

鄭 燮 號板橋進士乾隆年任通達事理作養人才尤工書畫創草隸體見聖廟碑記

吳煥彩 進士乾隆三十五年任尹范十二年士民愛戴以卓異陞鶴峯州

蘇兆蘭 典史乾隆五十年任紳民愛敬捐廉首倡修飛龍橋民不病涉置義塚澤及枯骨

范縣鄉土志

唐 晟 嘉慶十年任崇儒厲節捐廉修邑乘

秦和雍 舉人咸豐初年任剛嚴有智鑑取士必得斷獄無冤

姚延福 光緒四年任忠信潔清重修大成殿

陳愈元 光緒五年任威惠廉明善斷疑獄

汪 瀛 光緒七年任政兼寬猛革捲尾底票等弊捐廉課士去

後助書院二百金

孫國楨 進士光緒二十六年任仁慈樸茂歲旱禱雨月餘日惟

食湯餅一盂

謝全忠 光緒二十八年任洞悉民隱判斷無冤

兵事錄

夏

后癸五十有三歲顧君助築湯伐之詩商頌韋顧既伐

周

顯王二十八年孫臏救韓伏兵馬陵道口擒魏將龐涓

東漢

獻帝興平元年張邈叛迎呂布兗州郡縣皆響應惟鄆范東阿不動荀彧及程昱斬允協謀拒守城始全

南北朝

劉宋元嘉七年宋遣劉彥之伐魏至須昌沂河西上進屯靈昌津十一月魏攻宋彥之棄軍走自清河入濟南

唐

元和十四年平盧都將劉悟斬李師道鄆曹濮等州皆平光啟三年朱全忠攻濮州及朱瑄戰於劉橋殺數萬人

五代

范縣鄉土志

七

唐莊宗十五年六月梁決河陷晉兵晉攻之拔其四寨第五寨在縣東三十里八月大舉伐梁軍於麻家渡

宋

靖康元年金翰喇布攻汴駐軍南陽鋪

明

建文二年燕兵掠臨清大名越汶上至濟甯平燕將軍盛庸大敗之於東昌斬其將張玉三年燕大舉南犯由故道連陷東平濟陽州縣

正德六年降盜劉六等圍城知縣張德立約兵備吳公預塞東南東北二城門督眾捍禦自晨至晡盜始退

嘉靖二年鑛盜王鏜流劫東昌兗州突至曹州邑人廢前所塞二門

崇禎十五年

大兵下山東州縣城陷吳令光寅遇害

十六年

大兵由山東還近畿蔣令德峻死之

十七年京師陷李自成分兵下東昌等縣迫脅取印高令其讓抗節不屈

國朝

明季梁山李青山作亂榆賊梁敏應之騷擾二十餘年至我

朝順治三年趙令耀奎密請孔總鎮拿獲李梆子等境內粗安

六年榆賊率衆屠城孫令養廉閣家殉焉事聞官軍討平之

咸豐三年洪黨李開方北犯陷鄆城張秋等處邑人戒嚴

十一年捻匪竄入姬家樓武生王憲章帥民團禦之弗克死者百

范縣鄉土志

八

餘人

三月教黨周簡常馬新景襲據城彭令避入省恩貢丁相如拔貢

呂坦等圍練民丁造丁殿雙將之遂火賊巢

八月土匪劉占考據城過令瑞雲避於水渚之丁大寺恩貢丁相如潛送之大名

十一月將軍國瑞遣翁蔡李三營攻城賊潛逸貢生袁華國文生茆清

華等時避居河套偵知其故呈請罷兵安民將軍從之過令復任

同治二年降盜程順書等破朝城之舍利寺圩中人避塔上守備

王壽明帥汛官李廷魁設疑兵曹家營堤上鳴鎗揚沙賊遁去

塔上人獲免營書牛仰蒲之謀也

五年捻酋任柱賴文光等竄入境廩生李心谿帥民團禦之弗克

盤踞羅家樓舊城虜掠殆徧直隸總督李長佑擊逐之

光緒三十二年五月巨盜陳土地等渡河據葛城乘馬持快礮者以百數祝令從恩約壽陽朝三縣往勦圍之清水河莊相持終日盜逸七月復北渡越二日知府丁鏜督師尾之盜西遁進圍濮境之棗坡潰圍出夏提督協同陸總戎緝勦盜始平

耆舊錄

事業

春秋

范武子名士會字季晉大夫食采於范見左傳祀鄉賢

范文子名變見左傳

范宣子名匄文子之子見左傳祀鄉賢

范獻子名鞅見左傳

南北朝梁

范縣鄉土志

九

呂僧珍字元瑜官散騎常侍領軍將軍平固侯謚忠敬見不傳

五代

張直父楚平為長安令值巢賊亂不知所終直尋之自秦抵蜀徒步乞食求父所在積十年不得乃服衰哀慕終身

宋

張秉圖昭之子宋初進士及第見府志

張秉謙昭次子仕至尚書郎見州志

元

范栝至正間知雄州為政嚴明吏畏民懷

王輔歷尹吉水德化鄱陽興學造士政績偉著

明

宋仲祥洪武戊寅貢初任監察御史立朝不避權貴遷陝西左參

政外供軍餉內理民事略無滯謬

董倫洪武庚辰貢授陝西布政使有捍邊功

張翔洪武癸卯舉人官新蔡丞適王堂亂攻城翔督眾晝夜固守城賴以全

張傑永樂丁亥貢授監察御史彈劾不避權貴巡按四川貪污畏之至有逃去者

曹益永樂己丑貢任監察御史疏請太宗增修文德戒將帥勿貪邊功時論避之

王輝永樂丁酉舉人通判河間府僚友欽服吏民懾悚

馮冕永樂丁酉舉人任工部主事兼理河道自天津至淮安事無壅滯

高澤宣德丙午貢英宗初上言十事皆中時弊擢兵科給事中知

范縣鄉土志

十

無不言出知澤州政務寬大

李壽宣德乙卯舉人知平定州以簡靜為治有古循良風

丁震正統甲子貢任肅王府典簿進奏多寓諷規王時禮重之府中稱為主師

張縉天順四年貢任桐廬縣丞捕橫民置諸法江口盜聞名遠邇邑人畏服

張潔天順六年貢公廉寬厚疏水利民

張雄成化乙未進士任吏部給事中不附朝貴出知鈞州有殊政吏畏民悅

高祥成化六年歲大歉出粟千石以賑饑有司上其事旌曰義民

魯整成化六年大饑捐粟千餘石助賑有司以聞賜勅旌表

范紀成化八年貢知廣昌縣治先條理簡而不紊

徐智成化辛丑進士觀戶部政理稅徭軍無錫鉢私擢刑部主事
數決疑獄庭中稱平

呂琛宏治年貢任黃州府推官執法不撓時有豪右殺人以重賄
求免琛竟置諸法人稱廉明

黃質宏治乙丑進士任戶科給事中時逆瑾竊權質抗疏指斥中
人適乾清宮災上言切陳時變得古諫臣體出為湖廣參議秦
民大悅遷浙江按察羣盜悉平尋改湖廣兵備副使以不附權
貴竟有左遷之命遂解任歸

蔣理宏治辛酉貢任陝西邠州吏目循理守法吏民親愛

李贊母卒結廬墓側朝夕哭奠時流賊至墓所聞哭聲甚慟感激
而去知縣張德立上其事提學副使許銘以禮獎勞

王教廩生母疾手除污穢衣不解帶母亡傷父繯居不入私室父

歿寢食俱廢衣毀骨立提學道吳憲以禮獎之

吳珍廩生母卒廬墓三年朝夕哭奠時有巨蛇馴於側後父卒亦
如之事聞巡按御史立石旌獎

范宗仁嘉靖元年貢知山西朔州州在關外素難治宗仁號令森
嚴軍民奉法

丁永熾嘉靖壬午舉人知固原州恩威並用接引後進惓惓不倦
歿之日識與不識皆流涕

吳尚文授開州吏目嘉靖二十二年大水煮粥賑饑給棺葬殍鄉
人稱賢

侯佩嘉靖丙辰進士累官苑馬寺少卿平恕安民勤敏盡職

呂傑嘉靖三十二年歲饑人咸持券稱貸出積粟二千餘石應之
年豐不求償並焚其會計簿

石國柱隆慶二年貢知隴西縣一塵不染以母老乞休台司移文旌之

吳汝楠萬歷十四年貢知交河縣鋤強扶弱問斷明決解組後建學修祠周急助葬邑人感其德

范中傑中彥兄天啟乙丑貢事繼母不違志與諸弟怡怡無間言倅婁三載善政悉載批績陞河南都幕未任以養親請老祀鄉賢

范中彥萬歷丙辰進士授民部主政禁需索消冒濫出治歸德以治行卓異備兵大名緝寇安民魏博父老請祀名宦左轄山西連遇歲荒屢請蠲賑晉民建生祠焉

杜文蛟樂善好施設義學於城西杜家樓出肥田五十畝以供膏火丁雲鶴撰碑文記其事

范縣鄉土志

陳鳴珂天啟戊辰進士授中書見范邑亂將作疏請文武兼全士尹范以邑亂萌未幾李青山起於梁山榆賊應之人皆服其先見云

國朝

吳一元崇禎辛未進士順治初參議河東練兵守險備兵固原糾貪除盜繼遷臬巴蜀案件悉經手定略無留滯

范中奇中彥弟順治五年貢授齊河教諭辛巳歲荒出粟賑饑全活甚眾

徐龍光順治九年貢歷任江浦縣捐俸賑饑設法勸輸活百姓以萬計

宋鉉康熙元年貢歲大疫懼母病祝天願以身代後值榆賊亂負母至郡南七級鎮設館受餐問侍無缺

孫紹斌庠生事父母以色養康熙間築城修學克殫心力縣令屢給匾獎

田種玉字藍田雍正甲辰進士任新城勸農興學歷任清縣值水災請蠲賑全活無算

薛中巖乾隆壬戌中明通榜歷任陝西洵陽縣除苛斂剔壅弊訟無留獄士民稱便

宋緯乾隆丁卯舉人家貧事親孝誦讀不輟縣令鄭板橋贈以金不受

崔政監生性孝友乾隆辛巳歲饑有族人挈眷將逃政止之給以田俾得存活

張純理監生乾隆戊戌歲大稔倡首捐穀五十石以食饑民
王鳳池庠生性純孝母年九十侍奉不離時扶杖牀頭作童時歌

笑以娛之知縣唐晟匾獎

李允中增生父患疫疾手掬便溺母病衣不解帶始終無情容
白士瑋乾隆壬子貢父母先後患癰疾侍奉不離左右十餘年無倦色

胡墨染家貧幼失怙歲饑奉養母就食歸德之蘭儀母卒負尸歸
一日夜行三百里雖通黃河不知也縣令劉錚賜至孝格天額
克裕菴增生嗜易學旁通風角問卜者踵相接咸豐十一年土匪
聞其名爭慕之不食死注解有東方朔太乙數六壬畢法等書
石中立光緒乙亥舉人性嗜學髦而愈篤患難中讀書作文以自
娛咸豐十一年土匪咸欲羅致之潛避泥淖者十數日匪退依
六家集故圩練團固守鄉民得安堵

康衢品端學博不恆不求家赤貧由廩例出貢有勸其請助納規

者卻之曰吾甘遭擯斥不願覩面向人也尋以疾告
崔作合父病劇醫藥不效因思古有割股愈疾者剝肉以進父食
而甘之病如掃義紳嚴作霖予之田縣令謝全忠王鴻瑞賜碑
匾

吳光第同治四年淮匪北掠扶母避難賊至不忍去竟遇害
學問

五代

張昭直之子弱冠通九經受史學於贊皇程生後唐官監察御史
撰莊宗明宗及五朝實錄續成唐史著有三代興亡論併嘉善
集五十卷名臣事蹟五卷

明

范汶宗仁子學宗陽明隆慶元年拔貢通判慶陽有治績致政歸

范縣鄉土志

十四

編纂邑乘著有閔子墓辨范非齊邑辨

張調幼聰慧好談元理尤工詩詞所著詩載海內十二名家選併
濮州志

郝天眷教授鄉里詩詞自娛著有呼韻草怡心集

國朝

范容衆順治八年貢知德安縣預翦綠林賦歸居小室左圖右史
著有蒲亭浪遊集行世

劉連登精易理善圖畫尤工蘭竹為縣令鄭板橋所賞著有四書
圖考易經圖等書

范自新乾隆歲貢專力古文有慶裕堂存稿行世

王開泰貢生讀書忘食家人以柳葉水餉疑為醋齋食之著有四
書賞脈